

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA TATU

12 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA TATU – TAREHE 12 MEI, 2017


I. DUA:

II. HATI ZA KUWASILISHA MEZANI:

WAZIRI WA ELIMU, SAYANSI, TEKNOLOJIA NA UFUNDI:

Randama za Makadirio ya Mapato na Matumizi ya Wizara ya Elimu, Sayansi, Teknolojia na Ufundi kwa Mwaka wa Fedha 2017/2018.

III. MASWALI:



OFISI YA WAZIRI MKUU:

190. MHESHIMIWA HASNA SUDI KATUNDA MWILIMA (KIGOMA KUSINI):

Atamuuliza Mheshimiwa Waziri Mkuu:-

(a) Je, Serikali inawaeleza nini Wafanyakazi wa Kiwanda cha Chumvi cha Uvinza ambao walistaafishwa bila malipo ya kiinua mgongo;

(b) Je, Serikali ina mpango gani wa kuwabana wamiliki wa Kiwanda hicho ili waboreshe mazingira ya Kiwanda pamoja na mazingira ya Wafanyakazi.

191. MHESHIMIWA ALMAS ATHUMAN MAIGE (TABORA KASKAZINI):

Atamuuliza Mheshimiwa Waziri Mkuu:- Hivi karibuni wakati Mheshimiwa Rais akifungua majengo ya Mfuko wa Hifadhi ya Jamii wa PPF aliongelea wazo la kuiunganisha Mifuko ya Jamii iliyopo sasa yaani NSSF, PPF, GEPF na LAPF na kufanya ama mifuko miwili au hata mfuko mmoja tu kama ilivyo katika Nchi nyingine:-

(a) Je, mchakato huu sasa umefikia wapi;

(b) Je, Serikali ina malengo ya kuunda mifuko mingapi baada ya muungano huo wa Mifuko ya Hifadhi ya Jamii Nchini.

192. MHESHIMIWA JUMA HAMAD OMAR (OLE):

Atamuuliza Mheshimiwa Waziri Mkuu:-
Kumekuwa na utaratibu wa muda wa kulipa malipo ya pensheni kwa wastaafu kama vile kila mwezi, kila baada ya miezi sita na kila baada ya miezi mitatu:-

- (a) Je, ni utaratibu gani kati ya hizo zilizotajwa hauwasumbui wastaafu;
- (b) Je, ni fomula gani inayotumika katika kuwaongezea wastaafu pensheni zao ili angalau kwa kiasi fulani ziweze kusaidia kukidhi maisha yao.

OFISI YA RAIS (TAMISEMI):

193. MHESHIMIWA NEEMA WILLIAM MGAYA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itajenga Hospitali katika Wilaya mpya ya Wanging'ombe.

**194. MHESHIMIWA JOHN JOHN MNYIKA
(KIBAMBA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali inapaswa kuharakisha upimaji wa ardhi na utoaji wa hati za viwanja katika Jimbo la Kibamba ili kuepusha makazi holela:-

(a) Je, ni maeneo gani ambayo hayajapimwa na lini yatajimwa;

(b) Je, kuna mpango gani wa kupunguza gharama na muda wa upimaji na utoaji wa hati ili kurahisisha na kuharakisha upatikanaji wa huduma tajwa.

**WIZARA YA ARDHI, NYUMBA NA MAENDELEO YA
MAKAZI:**

**195. MHESHIMIWA AIDA JOSEPH KHENAN
(VITI MAALUM):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Wananchi wengi wa Sumbawanga hawana hati miliki; aidha, kumekuwa na changamoto nyingi katika kupata hati hiyo hali inayowafanya Wananchi kukata tamaa:-

Je, ni gharama kiasi gani zinahitajika ili kupata hati miliki.

WIZARA YA MAJI NA UMWAGILIAJI:

196. MHESHIMIWA JUMA OTHMAN HIJA (TUMBATU):

Atamuuliza Mheshimiwa Waziri wa Maji na Umwagiliaji:- Wakati wa Hotuba ya Bajeti 2016/2017 Wizara ya Maji na Umwagiliaji ilionesha kuwa Serikali ya India imesaidia kiwango kikubwa cha fedha kwa ajili ya uimarishaji wa huduma ya maji Nchini:-

Je, Serikali inaweza kutueleza juu ya utekelezaji wa jambo hili.

197. MHESHIMIWA PROSPER JOSEPH MBENA (MOROGORO KUSINI):

Atamuuliza Mheshimiwa Waziri wa Maji na Umwagiliaji:- Ujenzi wa Bwawa la Maji Kidunda lililopo katika Kata ya Serembala Morogoro Kusini umesababisha matatizo makubwa kwa Wananchi wa Kata ya Serembala, Magogoni na Vijiji jirani kutokana na fidia kidogo kwa kupisha ujenzi wa mradi huo ikilinganishwa na mali walizochukua yaani mashamba, nyumba zao na mali nyingine zilizo kwenye maeneo makubwa ya ardhi iliyochukuliwa kwa ajili ya mradi huo:-

- (a) Je, Serikali iko tayari kurudia zoezi la tathmini ya mali za Wanavijiji wote walioathirika kwa kutoa nyumba na mashamba yao ili kupisha mradi wa Bwawa la Kidunda na kuwalipa fidia wanayostahili;
- (b) Je, Serikali iko tayari kwenye bajeti hii kumalizia malipo ya takribani sh. 3.7 bilioni kuwafidia Wananchi hao kulingana na tathmini iliyofanyika;
- (c) Je, Serikali itakuwa tayari kuwawekea miundombinu ya uanzishwaji wa mashamba ya umwagiliaji na viwanda vidogo vidogo kwenye Kata ya Serembala kwa ajili ya kutoa ajira kwa wananchi Serembala Magogoni, Mvuna na kata za jirani.

WIZARA YA KILIMO, MIFUGO NA UVUVI:

**198. MHESHIMIWA MARTHA JACHI UMBULLA
(VITI MAALUM):**

Atamuuliza Mheshimiwa Waziri wa Kilimo, Mifugo na Uvuvi:- Kwa muda mrefu Mawakala wanaosambaza pembejeo wamekuwa wakihujumu wakulima kwa kutowafikishia kabisa au kuwaletea pembejeo ambazo siyo sahihi na kinyume na maelekezo ya Wizara husika:-

(a) Je, Serikali ilishughulikiaje malalamiko ya wakulima wa Wilaya ya Simanjiro;

(b) Je, Serikali imechukua hatua gani kwa Mawakala wasio waaminifu.

WIZARA YA ELIMU, SAYANSI, TEKNOLOJIA NA UFUNDI:

199. MHESHIMIWA JUMANNE KIBERA KISHIMBA (KAHAMA MJINI):

Atamuuliza Mheshimiwa Waziri wa Elimu, Sayansi, Teknolojia na Ufundi:- Mfumo wetu wa elimu unaonekana kuchangia mfumuko wa matatizo ikiwemo kujenga mazingira ya udanganyifu na wizi wa mitihani hali inayosababisha baadhi ya wanafunzi kufutiwa matokeo:-

Je, Serikali haioni umuhimu wa kumpima mwanafunzi kwa kutathmini tangu shule ya msingi na kuoanisha na mtihani wake wa mwisho ili kupata uhalisia na uwezo badala ya kumpima mwanafunzi kwa kigezo cha mtihani wa siku moja.

IV. HOJA ZA SERIKALI:

WAZIRI WA MAJI NA UMWAGILIAJI:

Kwamba, Bunge sasa likubali kupitisha Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2017/2018.

(Majadiliano yanaendelea)



**DODOMA
12 MEI, 2017**

**DKT. T. D. KASHILILAH
KATIBU WA BUNGE**